

ქ. ბათუმი

20 მარტი 2012 წელი

სსიპ – ბათუმის ხელოვნების სასწავლო უნივერსიტეტი, ადმინისტრაციის ხელმძღვანელის გელა ბერიძის სახით, (შემდგომში – „შემსყიდველი“), ერთის მხრივ და შპს „იბერია ტექ ავტომოტივი“ დირექტორის ლ. მივინეიშვილის სახით (შემდგომში – „მიმწოდებელი“), მეორის მხრივ, „სახელმწიფო შესყიდვების შესახებ“ საქართველოს კანონის მე-10 მუხლის მე-3 პუნქტის „ა“ ქვეპუნქტისა და „სახელმწიფო შესყიდვების განხორციელების წესის შესახებ“ დებულების 23-ე მუხლის მე-2 პუნქტის „ა“ ქვეპუნქტის საფუძველზე ვდებთ წინამდებარე ხელშეკრულებას შემდეგზე:

### 1. ხელშეკრულების საგანი

1.1. ხელშეკრულების საგანს წარმოადგენს მიმწოდებლის მიერ შემსყიდველისათვის მერსედეს-ბენც-ის სათადარიგო ნაწილების მოწოდება (CPU 34300000) მოწოდება წინამდებარე ხელშეკრულებით გათვალისწინებული პირობებით;

### 2. ანგარიშსწორების ვალუტა

2.1. ანგარიშსწორება მიმწოდებელთან განხორციელდება ლარებში.

### 3. ღირებულება და ანგარიშსწორების წესი

3.1. საქონლის საერთო ღირებულება შეადგენს 140,00 (ასორმოცი ლარი 00 თეთრი) ლარს;

3.2. საქონლის ღირებულება შეიცავს საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი;

3.3. ანგარიშსწორება განხორციელდება გადარიცხვის ფორმით ხელშეკრულებით გათვალისწინებულ რეკვიზიტებზე;

3.4. შემსყიდველი ანგარიშსწორებას ახორციელებს მიმწოდებლის მიერ საქონლის ფაქტიურად მიწოდების და შესაბამისი საგადასახადო ანგარიშ-ფაქტურის ან/და სასაქონლო ზედღებულის წარმოდგენიდან 10 სამუშაო დღის განმავლობაში.

### 4. მომსახურების შესაბამისობა

4.1. მიმწოდებელი იძლევა გარანტიას, რომ მიწოდებული საქონელი, მისი ექსპლუატაციის დროს არ გამოავლენს დეფექტებს;

4.2. მიმწოდებლის მიერ ხელშეკრულების განსაზღვრული მიწოდებული საქონლის ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს საქართველოში არსებულ წესებსა და ნორმებს;

4.3. 4.2. პუნქტში აღნიშნული ნორმებიდან გადახვევის შემთხვევაში შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

## 5. მომსახურების მიღება – ჩაბარება

- 5.1. შემსყიდველმა უნდა შეამოწმოს შესყიდვის ობიექტი ხელშეკრულების პირობებთან მიმართებაში;
- 5.2. თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად;
- 5.3. შემოწმების შედეგად გამოვლენილი დეფექტის ან ნაკლის აღმოფხვრასთან, ხელახლა შემოწმებასთან დაკავშირებული ხარჯების ანაზღაურება ეკისრება მიმწოდებელს.

## 6. ხელშეკრულების შესრულების კონტროლი

- 6.1. შემსყიდველი უფლებამოსილია მოახდინოს საქონლის მიწოდების ინსპექტირება;
- 6.2. ხელშეკრულების შესრულების კონტროლი ხორციელდება სისტემატურად, შემსყიდველის შეხედულებისამებრ;
- 6.3. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

## 7. მხარეთა უფლება-მოვალეობანი

- 7.1. შემსყიდველს უფლება აქვს:
  - შეამოწმოს მიწოდებული საქონლის შესაბამისობა ხელშეკრულებით გათვალისწინებულ პირობებთან;
  - განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
  - უარი თქვას უხარისხო საქონლის მიღებაზე.
- 7.2. შემსყიდველი ვალდებულია:
  - წერილობით აცნობოს მიმწოდებელს საქონლის მიწოდებასთან დაკავშირებული ყველა განსაკუთრებული გარემოების შესახებ;
  - მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
  - დაიცვას ხელშეკრულებით გათვალისწინებული ყველა პირობა.
- 7.3. მიმწოდებელს უფლება აქვს:
  - მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;
- 7.4. მიმწოდებელი ვალდებულია:
  - საქონელი მიაწოდოს წინამდებარე ხელშეკრულებით გათვალისწინებულ ვადებში;
  - გააფრთხილოს შემსყიდველი საქონლის მიწოდების პროცესში შეფერხების შესახებ;
  - დაიცვას ხელშეკრულებით გათვალისწინებული ყველა პირობა.

## 8. ხელშეკრულების პირობების შეუსრულებლობა და მხარეთა პასუხისმგებლობა

- 8.1. ფორს-მაჟორული სიტუაციების გარდა, მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად;
- 8.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შეუსრულებლობისთვის მის მიერ დამატებით განსაზღვრული ვადის უშედეგოდ გასვლის შემდეგ. თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება;
- 8.3. ხელშეკრულებიდან გასვლისას მხარეს შეუძლია მოითხოვოს ზაანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით;



8.4. ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს მოქმედი კანონმდებლობის შესაბამისი ნორმები;

8.5. შემსყიდველი უფლებამოსილია საქონლის მიწოდების ვადის გადაცილების შემთხვევაში, დააკისროს მიმწოდებელს პირგასამტეხლო ყოველ გადაგადაცილებულ დღეზე დროულად მიუწოდებელი საქონლის ღირებულების 0.1 პროცენტის ოდენობით;

8.6. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაგადაცილებულ დღეზე, გადაუხდელი თანხის 0.1 პროცენტის ოდენობით;

8.7. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 პროცენტს, მეორე მხარეს უფლება აქვს შეწყვიტოს ხელშეკრულება.

## 9. ფორს-მაჟორი

9.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა და რომლებიც უშუალო ზემოქმედებას ახდენენ ხელშეკრულების შესრულებაზე;

9.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუფიქსირებლოს აცნობოს მეორე მხარეს წერილობით ასეთი მოვლენების დადგომის თაობაზე; ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

## 10. გამოყენებული სამართალი

10.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 11. ხელშეკრულების ენა

11.1. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

## 12. სხვა პირობები

12.1. ხელშეკრულება ძალაში შედის მხარეების მიერ ხელმოწერის დღიდან;

12.2. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე;

12.3. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

12.4. მხარეთა შორის წარმოშობილი სადაო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ კონსენსუსი არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად;

12.5. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

12.6. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

12.7. ხელშეკრულება იდება ორი ერთნაირი იურიდიული ძალის მქონე ეგზემპლარად, თითო ეგზემპლარი ინახება ხელშეკრულების დამდებ მხარეებთან.

### 13. მომსახურების გაწევისა და ხელშეკრულების მოქმედების ვადა

13.1. მომსახურების გაწევის ვადაა 2012 წლის 22 მარტიდან 2012 წლის 31 მარტამდე პერიოდი.

13.2. ხელშეკრულება ძალაშია მხარეთა მიერ ხელმოწერის დღიდან და მისი მოქმედების ვადაა 2012 წლის 31 მარტამდე პერიოდი.

### 4. მხარეთა რეკვიზიტები და ხელმოწერები

1) შემსყიდველი:

სსიპ ბათუმის ხელოვნების სასწავლო უნივერსიტეტი

მის. ქ. ბათუმი, ფიროვნების 16

გლსნ 245628496

სს „კორ-სტანდარტ“ ბანკი

ბანკის კოდი 220101945

ანგარიშის №24166446

ადმინისტრაციის ხელმძღვანელი



გ. ბურიყე

2) მიმწოდებელი:

შპს "იბერია ტექ ავტომოტივი"

მისამართი: ქ. მცხეთა, დ. აღმაშენებლის ქ.

საიდენტიფიკაციო კოდი: 236093473

სს „საქართველოს ბანკი“

ბანკის კოდი BAGAGE22

ანგარიშის №GE29BG0000000153512100

დირექტორი

ლ. მიგინეიშვილი

20 მარტი 2012 წელი

სსიპ - ბათუმის ხელფენების სასწავლო უნივერსიტეტი

ფორმა №3

დასახელება	ზომის ერთეული	რაოდენობა	ერთეულის ფასი	ღირებულება	შენიშვნა
1	2	3	4	5	6
1 წინა ზამბარები	ცალი	2	70	140,00	
				140,00	



ადმინისტრაციის ხელმძღვანელი

გ. ბერიძე

შპს "იბერია ტექ ავტომოტივი"-ის დირექტორი

ლ. მიგინეიშვილი

## მიღება - ჩაბარების აქტი

ქ.ბათუმი, 2012 წლის 22 მარტი

ერთის მხრივ სსიპ ბათუმის ხელოვნების სასწავლო უნივერსიტეტი (შემდგომში „შემსყიდველი“) ადმინისტრაციის ხელმძღვანელის გელა ბერიძის სახით და მეორეს მხრივ შპს „იბერია ტექ ავტომოტივი“ დირექტორის ლაშა მიგინეიშვილის სახით (შემდგომში „მიმწოდებელი“),

წინამდებარე აქტით ვადასტურებთ, რომ მხარეთა შორის 2012 წლის 20 მარტს N32 ხელშეკრულების საფუძველზე მიმწოდებელმა მიაწოდა, ხოლო შემსყიდველმა მიიღო ხელშეკრულებით გათვალისწინებული სათადარიგო ნაწილები. რომლის ღირებულებამ შეადგინა 140,00 (ასორმოცი ლარი 00 თეთრი) ლარს.

შემსყიდველი

მიმწოდებელი

სსიპ - ბათუმის ხელოვნების სასწავლო უნივერსიტეტი


მის: ქ. ბათუმი, ფიროსმანის 16

საიდენტიფიკაციო კოდი: 245628496

დასახელება: შპს „იბერია ტექ ავტომოტივი“  
მისამართი: ქ. მცხეთა, დ. აღმაშენებლის ქ  
საიდენტიფიკაციო კოდი: 236093473

ადმინისტრაციის  
ხელმძღვანელი



 გ. ბერიძე

დირექტორი



ლ. მიგინეიშვილი